



Broj: 07-03-04-10427-22/22
Sarajevo, 29.03.2022. godine

SKUPŠTINA KANTONA SARAJEVO
Predsjedavajući Skupštine Kantona Sarajevo

PREDMET: Odgovor na zastupničko pitanje zastupnika Hameda Aljovića

Zastupnik u Skupštini Kantona Sarajevo Hamed Aljović, na 49. Radnoj sjednici Skupštine Kantona Sarajevo održanoj dana 15.03.2022. godine, u okviru tačke Dnevnog reda "Poslanička/zastupnička pitanja, inicijative i odgovori", postavio je **zastupničko pitanje**:

"Postavljam pitanja Ministarstvu privrede Kantona Sarajevo i Turističkoj zajednici Kantona Sarajevo:

- 1. U kojoj fazi je izrada Strategije turizma Kantona Sarajevo?**
- 2. Da li je formirana radna grupa, ko čini radnu grupu i da li su u istoj zastupljeni predstavnici jedinica lokalne samouprave?**
- 3. Koja su to proglašena turistička mjesta/područja na lokalitetu općine Trnovo?**
- 4. Da li je Komisija za proglašenje turističkog mjesta aktivno radno tijelo i ko su članovi prednje navedene Komisije?"**

Odgovor:

1. Članom 5. zakona o turizmu ("Službene novine Kantona Sarajevo" broj: 19/16, 31/17, 34/17 – Ispravka i 13/21) propisano je da Strategiju razvoja turizma Kantona Sarajevo donosi Skupština Kantona Sarajevo na prijedlog Vlade Kantona Sarajevo. Članom 18. stav (2) Zakona o razvojnom planiranju i upravljanju razvojem u Federaciji Bosne i Hercegovine ("Službene novine Federacije BiH", broj 32/17) propisano je da je Strategija razvoja Kantona osnovni dokument za izradu sektorskih strategija. Članom 19. stav (2) istog zakona propisano je da se sektorske strategije kantona (tako i Strategija razvoja turizma) izrađuju na osnovu strategije razvoja kantona, prioriteta sektorskih strategija u Federaciji i strateških dokumenata na nivou Bosne i Hercegovine, te dokumenata relevantnih za proces integracije Bosne i Hercegovine u Evropsku uniju. Strategija razvoja Kantona Sarajevo 2021-2017. je trenutno u izradi, a s obzirom da još nije donesena, ne može se prije nje donijeti ni Strategija razvoja turizma u Kantonu Sarjevo (kao sektorska strategija), mada se na izradi iste radi.

2. Zavod za planiranje razvoja Kantona Sarajevo zadužen je za izradu i implementaciju strategije razvoja kantona pa se sa ovim pitanjem možete obratiti direktno zavodu, jer Ministarstvo privrede Kantona Sarajevo ne raspolaže ovim podatkom.
3. Ministarstvo privrede Kantona Sarajevo do danas nije proglasilo turistička mjesta/područja na lokalitetu općine Trnovo.
4. Nije imenovana Komisija za proglašenje turističkog mjesta.

S poštovanjem.



Dostavljeno:

1. Naslovu.
2. Vladi Kantona Sarajevo - na znanje.
3. Evidenciji.
4. Arhivi.

